

բարձունքի վրայ ունեցել է իր ամրոց-
բերդը, դղեակը, կամ ապարանքը, վար-
ժոցը եւ դանձարան-թանգարանը: Նախա-
րարը իր ամրոց-դղեակում ապրել է իր ըն-
տանիքով, արիւնակիցներով-սեպուհներով,
անջատ եւ «որպէս գերագոյն էակ», հեռու
մահկանացուներից: Գեղերում ապրել են
ազատական սպաները, որոնք առաջացել են
ընդհանրապէս նախարարական սերնդից եւ
կազմել են երկրի զինուորական դասա-
կարգը: Ազատական սպան չի զբաղուել
արհեստներով կամ երկրագործութեամբ.
նա մասնակցել է պատերազմներին, որսոր-
դութիւններին, մանուկների դաստիարա-
կութեամբ եւ վարժութեամբ: Մացրանե-
րում ապրել են երկրագործներն ու արհես-
տաւորները, որոնք համարուել են իշխանի
ստրուկներն, ազատականների՝ բանուոր-
աշխատաւորները: Ազատականները երբեք
չեն թողել որ իրենց հաւասարուեն այդ
ստրուկները, որոնց ոյժը շահագործել եւ
ապրել են: Ընտիր նժոյգներ, ուժեղ ցլեր,
ժիր եղներ եւ գոմէջներ ունենալու եւ դրանց
բազմացնելու համար նախարարները սպա-
նների ղեկավարութեամբ պահպանել են ջո-
կեր, նախիրներ եւ հօտեր՝ ոչխար եւ այծ:
Այս պատճառով գեղից դուրս, մացրայի եւ
գեղի մէջ ունեցել են ախոռներ ձիերի հա-
մար եւ գոմեր ցլերի, եղների եւ գոմէջների
համար: Ոչխարն ընդհանրապէս պահել են